

翻不，八其朝奉卦卦，總各立突厥古；玄武書圓輪人苦，總各突厥山領略
突厥突厥曰且夷——，無總突厥曰當山此，而立突厥突厥亦。於其餘突厥之越一

外蒙「於都斤山」攷

岑仲勉

古突厥文碑有 Ötükän 或 Ütükän，夏德 (Hirth) 氏以爲卽北周書五〇之於都斤山⁽¹⁾。余按周書突厥傳云：

「可汗恆處於都斤山，牙帳東開，蓋敬日之所出也。每歲率諸貴人，祭其先窟；又以五月中旬，集他人水，(2) 拜祭天神。於都斤四五百里，有高山迥出，(3) 上無草樹，謂其爲勃登凝黎，夏言地神也。」

白玉連 (Julien) 氏譯作都斤山，夏氏雖謂日氏之譯不誤，然亦引通典一九七「又於都斤山西五百里有高山」以爲解⁽⁴⁾。白鳥氏因謂「中國人翻譯外國語言，於外國名稱之以母音始者，往往略而不譯，」且引隋書八四「治都斤山」新唐書二一五上「可汗建庭都斤山」爲證。⁽⁵⁾ 近伯希和氏嘗辨之，以爲山名應作於都斤，隋書殆脫誤或因句調而省，「於」字譯寫鮮用，作於都斤者或原書作「于」而傳鈔時改「於」，或不知「於」爲譯音而誤爲表義之字云云。⁽⁶⁾ 余按古人譯音，擇字不嚴，如佛遊天竺記之於塵，隋書八四之於尼謹，(通典一九九作於尼謹) 會昌一品制集之於解，皆用「於」字譯寫；隋書作都斤，顯是修書者誤「於」爲表義，故從刪削，非省略字首母音者之比也。伯氏又謂，「太平寰宇記作于都斤，」⁽⁷⁾ 未審所據何本；若萬氏本則一九四作「理都斤山，」一九六作「可汗常處於都斤山，……又於都斤西五百里，有高山迥出，」「於」字用省不常；是樂氏於此山名，殆無明確認識，誤「於」爲表義之擬議，更可從此得多少旁證矣。於都斤一名，伯氏曾爲短文論其字義，⁽⁸⁾ 虧於都斤之地理及異譯，伯氏未加詳究，余成此篇，雖未能質言今地安在，然薈合材料，參附拙見，或能爲探踏家之一助，且補伯氏所未備耳。

於都斤與兜衛山

於都斤山爲突厥名勝，吾人讀周書知之；古代民族之名勝，往往奉傳甚久，不隨一族之興衰以爲升沈，在突厥未興之前，此山當已爲北荒勝地，——或且已轉譯於我國北荒史中，自是史學考證家意中之事。

白鳥庫吉本此，故云：

「余以爲漢書匈奴傳之兜衛山，亦與都斤同爲 Ütükän 之略譯也，則此山名之爲中國人所知，已遠在漢時矣。」⁽⁹⁾

余按漢書九四上云：

「於是漢遣貳師將軍七萬人出五原，御史大夫商丘成將三萬餘人出西河，重合侯莽通將四萬騎出酒泉千餘里，單于聞漢兵大出，悉遣其輜重徙趙信城北邸居水，左賢王驅其人民，度余吾水六七百里，居兜衛山。」

細繹傳意，兜衛山似匈奴牙帳要地，且在漠北，惜其山祇此一見，（一）無詳細道里可稽，（二）譯名中無「於」字相當之對音，與後世各異譯不符，故白鳥之考，雖涉多少影響，要未能加以承認。

於都斤與於除鞬

匈奴史中求可與於都斤音聲比近者，余以爲莫如後漢書八九之於除鞬。南匈奴傳云：

「（永元）三年，北單于復爲右校尉耿夔所破，逃亡不知所在，其弟右谷蠡王於除鞬自立爲單于」。

此是人名，非地名，然人以地名者外國數見之，於（如於都斤）鞬（如烏德鞬）兩字，在後世均有相當之對譯，今可無論；除涂同從余得聲，亦一音之轉，若於除鞬轉爲於涂鞬者，則正與於都斤脗合無間矣。（參下語原節）

於都斤與壹斗眷

魏書一一三官氏志云：

「壹斗眷氏，後改爲明氏。」

陳毅疏證云：

「眷當爲孟，景北海碑陰孟作盍，與盍字形近，盍眷同聲，因譌眷也。據書禹貢被孟豬，史記夏本紀作被明都，……是孟明古韻相通，故氏改爲明。」

其說支離穿鑿，絕無明據。白鳥庫吉云：

「吾人以爲壹斗眷亦鮮卑語，而明字則其漢譯也。滿洲語謂明白曰 getukén, (清文彙書卷六〇) Dakhur (10) 語謂明白曰 getukún, (Iwanowsky:-p. 87) 想托拔語之壹斗眷，即上述 getukun 之轉訛形，yetukén, etukén 之音譯也」

(11)

訓壹斗眷之義爲明，然明亦得爲神明之明，余因此恍然於鮮卑語之壹斗眷，即突厥語之於都斤或鬱督軍，因其詁訓相通段也。

疏證又云：

「溫讀如鬱，聲轉爲烏，鮮卑語也。古溫聲字多同鬱，易繫詞天地絪緼，說文壺部引作天地壹壺，廣韻二十文，壺、鬱也，漢書賈誼傳，絪緼字逕作壹鬱，壹鬱聲近，北音從溫之字，兼有壹鬱二音」。

此壹鬱可通之說也，斗與都，眷與斤，均不過音之小變，鮮卑語與突厥語，其間自有多少參差，然則壹斗眷氏者，殆其族先居於都斤山，故遂以山爲氏歟？

唐代諸異名

於都斤山之譯名，至唐代而略變其用字；如李勣碑云：

「尋授靈州道安撫大使，破延陁於烏德鞬山。(12)

契苾明碑云：

「又授雞田大總管，至烏德建山南，招降二萬餘帳。」(13)

證之舊唐書三本紀及一九九下鎌勒傳，則烏德鞬山又譯鬱督軍山，資治通鑑考異一〇云：

「世勣至鬱督軍山，勣傳作烏德鞬山，唐曆云，即鬱督軍山，虜語兩音也，鎌勒傳云，至於天山，今從唐曆。」

是烏德鞬、鬱督軍爲同名異譯，唐人早有定論。

舊唐書一九九下鎌勒傳云：

「貞觀四年，平突厥頡利之後，朔塞空虛，夷男率其部東返故國，建庭於都尉捷山北，獨邏河之南，在京師北三千三百里。」

新唐書二一七下薛延陀傳略同；沙畹氏云：

「上文既云鬱督軍山直京師西北六千里，證以此處之文，則非鄰於獨邏(Tola)水之 Otuken 矣，然通鑑綱目貞觀二年下，則謂烏德鞬、乞督軍、鬱督軍皆爲同名異稱。」(14)

余按前後文里數不符，余嘗別有解釋，(15) 白鳥雖承認都尉捷即鬱督軍，(16)然於其所以然之故，未着一語，余亦爲之疏明，(17) 賢言之，都尉捷乃尉都捷之誤倒；尉、集韻一音於勿切，音鬱，固與鬱督軍無異也。

唐會要七三云：

「永徽元年，十月，以新移葛邏祿在烏都鞬山者置狼山、渾河二州。」

考新唐書四三下云：

「渾河州、永徽元年，以車鼻可汗餘衆歌邏祿之烏德鞬山左廂部落置。」

又唐會要九六云：

「總章二年，十二月，延陀部落餘衆擾亂，詔發突厥進襲，至烏羅德健山，大破之。」

烏德健顯烏德鞬之異寫，祇多一羅字，然今本會要訛舛纍纍，羅字殆衍文耳。

(18)

(19)。山轉駕氣而至。東大連安首他靈對尋

薛仁貴三箭定天山

此爲國史中一段英雄故事，幾於婦孺皆知，舊唐書八三仁貴本傳記之云：

「尋又領兵擊九姓突厥於天山，……更就磧北安撫餘衆，擒其僞葉護兄弟三人而還，軍中歌曰，將軍三箭定天山，戰士長歌入漠關，九姓自此衰弱，不復更爲邊患。」

突厥九姓之窟穴，當日實在漠北，傳文亦明著磧北字樣，則天山之大致方位。原不難涉想。俗間薛仁貴征東傳——即征高麗——將此事般演入去，無足深責。唯有新

疆之天山，在地理學上比較著名，尤易反影於學者之頭腦。故清乾隆間西域圖志二一又以三箭定天山故事，置諸安西天山之下，一東一西，咸靡有當，其牽合附會，智又出征東傳之下也。

如謂不然，則試就他書所記此役合勘之；冊府元龜九八六云：

「（龍朔）二年，三月，鄭仁泰、薛仁貴等破鍊勒之衆於天山，時鍊勒有思朱鵠、結、多臘葛等部落，先保天山。」

又新書——仁貴傳云：

「鍊勒有思結、多臘葛等部，先保天山，及仁泰至，懼而降，仁泰不納，虜其衆以賞軍，賊相牽遁去。有候騎言虜輜重牧畜被野，可往取，仁泰選騎萬四千，卷甲馳絕大漠，至仙萼河，不見虜。」

鍊勒本部在今外蒙，（參通典一九九）非當日已夷爲郡縣之安西天山也，仙萼河今色楞格河，如由安西天山馳至色楞格河追賊，尤其不可信也。按外蒙有天山，唐史屢見之，如舊唐書一九五迴紇傳云：

「貞觀初，菩薩與薛延陁侵突厥北邊，突厥頡利可汗遣子欲谷設率十萬騎討之，菩薩領騎五千與戰，破之於馬蠶山，因逐北，至於天山，大破之。」

按突厥北邊即今外蒙，此之天山，稍讀突厥史者即可悟其非今新疆之天山，而爲外蒙之天山也。又如同書一九九下鍊勒傳云：

「朝議恐爲磧北之患，復令英國公進加討擊，勸率九姓鍊勒二萬騎，至於天山，咄摩支見官軍奄至……李勸因縱兵追擊，前後斬五千餘級，虜男女三萬餘人。」

又六七勸本傳云：

「便發突厥兵討擊，至烏德鞬山，大戰，破之。」（前引勸碑同作烏德鞬山。）

不然則天山即鬱督軍山，亦即烏德鞬山，明矣。或者舉考異一〇「勸傳作烏德鞬

山，唐曆云，卽鬱督軍山，……鍊勒傳云，至於天山，今從唐曆。」（已引見前）以謂司馬氏不採此名，不可援據；殊不知司馬氏此節，實足證烏德鞬山、天山之同地，充其量，彼所表示者，祇在異名錯列，採用某名而已，非能斷天山之非烏德鞬也。或者又謂鍊勒傳上文有「請居鬱督軍山北」語，使是一地，何以同傳之內，下文又作天山？夫曰見官軍奄至，是勸所至之山，爲其請居之地無疑，易言之，天山爲鬱督軍，亦無疑矣。若山有二稱，則或由取音，或由取義，史家集多種材料，據以編傳，旣未嘗親履厥地，又不能詳審異名，安怪一傳之內一地而歧稱耶。如斯之例，外國傳中數見之，豈獨鍊勒傳。由是觀之，薛仁貴所定之天山非他，卽年前李勸所至之天山，亦卽烏德鞬山而已。

涓兜牟山之疑名

元和姓纂五云：「阿史那、夏后氏後，居涓兜牟山，北人呼爲突厥窟。」按周書五〇突厥傳：「居金山之陽，爲茹茹鍊工，金山形似兜鍪，其俗謂兜牟爲突厥遂因以爲號。」隋書、北史、通典等均略同，祇言狀似兜鍪，並無涓兜鍪之號，況從「涓」字體察，此名當是譯音，非取義者；今本姓纂訛舛極多，宋代，已乏善本，固在可疑之列也。余嘗揣之，以爲涓乃汨之訛，軍字草寫類於牟，或鈔傳者稍知突厥故事，憑其主觀以施改正，於是汨兜軍遂轉訛爲涓兜牟矣。其實此名如取象兜鍪，字應作鍪，不應作牟，吾尤有以疑牟爲軍訛也。唐韻、汨、於筆切，卽於之促聲，兜都略轉，故汨兜軍得爲鬱督軍之同名異譯。

通志氏族略多本姓纂，前人屢言之，今氏族略五祇作「居兜牟山」省涓字，意鄭氏旣據誤本兜牟，又以涓字欠解，遂強行刪去也。名賢氏族言行類稿五九引作「居麌牟山」，誤更無疑。

遼史之野鳥篤幹山

略觀上述史料，可見於都斤山之重要，然唐已後果遂泯滅而不爲人稱道，且不見

於史冊乎，疑未然也。余則以爲遼、元尚見之，第其音譯、用字復略變，故史家未之注意耳。考遼史六八遊幸表、天贊三年九月：

「次回鶻城，獵於野烏篤幹山，幸回鶻城。」（殿本）

吾人首湏顧及者，回鶻城在漠北，卽突厥故墟，既次城而後獵於山，獵後復幸其城，則此野烏篤幹山之距城，當必不遠；易言之，與唐代之烏德鞬山，或不無關係。復次遼史成書倉卒，訛舛滋多，此山名或有校正之必要，職此兩因，遂生如左之三解：

1. 烏烏幹幹，均所差一筆，容易互訛，遼史初校云：

「烏、南作烏是，」⁽¹⁹⁾ 烏可訛烏，則幹未始不可爲幹之訛，以「幹」爲元代譯音流行用字，鈔傳者易於訛改也。由此以思，野烏之二合音爲於，野烏篤幹即於都斤或烏德鞬之異譯。

2. 野得爲 yer 之對譯，溫昆河碑文有 Öttükän-yer，猶言 Ötükän 地也，⁽²⁰⁾ 如以 yer 字上移，可與野烏篤幹相當。

3. 野字或爲衍文，否則野下奪「及」字，而烏篤幹與烏德鞬相當。

三解之中，余以爲一解最近是；然無論採用何解，此山旣近回鶻城，則爲烏德鞬之異譯，殆無疑矣。

元代三異名

元史二太宗十二年：

「十一月，丁亥，大獵；庚寅，還至銚鏗胡蘭山，奧都刺合蠻進酒，帝歡飲，極夜乃罷。」

親征錄云：

十一月初七日，至地名忒哥忽闌。」

庚寅卽初七日，然則銚鏗，卽月忒哥之異譯矣。（多桑蒙古史譯爲 Eutégou-boulan）⁽²¹⁾ 銚與月、緩促之變，於與鬱亦然，月良兀惕之對音爲 Ölangut，洪氏翻爲烏良兀特；古之德(tuk)後世變爲 teh；又斤、廣州讀如 gun，蒙古語之末音 n，易於消失，其變則爲 gu。今烏篤幹、銚鏗同爲近於古回鶻城或和林之山，又同是

遊獵之所，故余謂月忒哥、銚鏽鏹亦烏德鞬之變文也。元祕史一五有闊迭額阿刺勒地，李文田氏注以銚鏽鏹胡蘭山相比定，然闊迭額阿刺勒乃客魯連河中之一洲，⁽²²⁾ 銚鏽鏹胡蘭乃山名，性質迥異，那珂氏刪之，是也。王氏親征錄校注猶以阿不札闕忒哥兒山、只感忽盧地、曲雕阿蘭與月忒哥忽蘭等混爲一地，欠審擇矣。

銚鏽鏹胡蘭、蒙兀兒史記四改爲闊迭兀忽刺安山，注云：「山轉嶺與連山，義謂冷紅山，……今依祕史譯例改正，蒙古游牧記云，賽因諾顏中前旗牧地，……西北至奎屯嶺，……按奎屯蒙兀語冷，異文爲闊迭兀，即此闊迭兀忽刺安山也。」

按奎屯嶺是否即銚鏽鏹胡蘭爲一事，而銚鏽鏹胡蘭是否譯義冷紅又爲一事，屠氏之改銚鏽鏹爲闊迭兀，無非本自祕史李注闊迭額之比定，然冷紅之義，絕無所據，而竟擅改舊名，可乎。清改元史，世所詬病。屠氏凡例亦固譏之，不謂乃自蹈之也。胡蘭、親征錄作忽蘭，蒙兀兒史記二有云，「忽蘭、野馬也，見蒙文祕史旁解，」屠氏何以知此處不訓野馬耶？

道園學古錄二四高昌王世勳之碑云：「又有山曰天哥里于⁽²³⁾答哈，言天靈山也。」

按于即於都斤之於，答爲忒鐵之轉，kän如喪失-n而通於h則爲哈，是于答哈亦得爲烏德鞬之音轉。天哥里者騰吉里(tängri)之異譯，此云天也。Ütü-kän之語義，諸說不一，惟伯希和氏云：

「按蒙古人名地之女神曰 Atügan 或 Itügan，此 Itügan 余以爲即撥闢喀批尼行紀中之 Ytoga，亦即馬哥孛羅行紀中之 Natigay，……又按元朝祕史第一三節中有 atügan，漢譯作地。」⁽²⁴⁾

按撥闢喀批尼行紀之 Ytoga，即可與虞文于答哈相對，(如 o 轉爲 a) 馬哥遊記之 Natigay，即可與親征錄月忒哥元史銚鏽鏹相對，準闕特勤碑呂向譯 Likän 之例，Ytoga 可改爲 ütoga，是與於都斤語原 Ütükan，其重要差異，不過喪失-n而已。虞氏謂于答哈爲靈，靈猶神也，得爲男神，亦得爲女神，天哥里則與唐代天山之義，完全無殊，余擬月忒哥、銚鏽鏹、于答哈爲於都斤之異名，得此益可間接徵實矣。

抑元譯月忒哥、鉛鍊鑄，于答哈三名，由突厥語轉爲蒙古語，皆喪失其最末之 n 音，是固研究語譯所當注意者。

諸家論於都斤山所在

於都斤或烏德鞬，即突厥文碑中之 Ütükän (Ötükän) 絶無疑義，顧其山當今某山，尙無明確之解決，請彙合諸舊說觀之：

1. 水道提綱二三云，「章鄂山亦高大，即杭愛山東支埠也，疑此即唐時回鶻帳西之烏德鞬山，而所謂溫昆水即鄂勒昆也。」按依提綱言，此山近額勒德尼詔廟，居溫昆水上流，胡氏一統輿圖繪在集爾瑪臺與鄂爾渾兩河間地面，位偏於東，非在古回鶻城之西，與新唐書「西據」之言，未爲盡合，且無對音可證。

2. 俞浩西域考古錄七云，「鬱督軍山，今曰阿爾泰山」同書九又云，「烏德鞬山。今之杭愛山也。」然由前文觀之，鬱督軍、烏德鞬，不過同音異譯，實指一山，俞氏所考，根本上已自惶惑無定，無徵信之價值。

3. 丹麥學者脫母森(Thomsen)氏考定爲杭愛山(Hangai)或南阿爾泰山東部。(25)

4. 夏氏以當元之和林山，(26) 白鳥氏大意贊同其說。(27)

5. 伯希和氏疑爲一山系之總稱。(28)

6. 王國維氏謂溫昆、仙娥二河均出杭愛山，唐人謂之烏德鞬山或鬱督軍山，和林山則以地名名之。(29)

衡以突厥故事，如所謂突厥窟、狼首人、(見新書薛延陀傳)三箭定天山等，其性質均有專指，3、5 兩說比諸一部一系，皆失之廣泛；所謂和林山者，亦不在俄人喇篤羅甫(Radlov)所證回鶻都城之西，覈諸新唐書志傳，方位不合，故 4 說要難確立；王氏融會舊說而立言，結果尤犯騎牆之病。職是之故，古於都斤山所在，尙有待乎探討也。

古於都斤山之今地

於都斤山之舊日考證，余旣認其未切，然以如斯故事豐富之神山，迷信流傳，當

必有至今未泯者，果遂湮沒弗彰乎？是用檢清代記載，則得方觀承《松漠草詩注》云：

「頑鶻爲喀爾喀境內名山，松多、泉美，其最高峯曰鄂託渾騰格里，譯言少天也。山陽溫泉數處，泉有魚，產黃石如琥珀，蒙古名胡巴，製爲器物，瑩透可愛。頑鶻綿延千里，或斷或續，蒙古人以其所產木石辨之，或連數山，或相隔數百里，皆確知某山爲正脈也。」

按鄂爲月之轉，託爲督之轉，渾從軍聲，是鄂託渾者鬪督軍或月忒哥之音變也。元人稱天哥里於答哈，近世蒙古人稱鄂託渾騰格里，語恰相當，所差者騰格里之前置後置，於其名之本質無關也。方氏釋曰少天，似與虞集之天靈不合，然虞氏所據者或兀兒語，方氏所據者爲蒙古語，名經轉譯，事隔兩朝，則釋義或殊，中外地名，不少斯例，首當問其音聲之相當否耳。

惟是鄂託渾騰格里峯在外蒙何旗，求諸圖籍，尙無所得。考水道提綱二三云：

「又東百餘里爲杭愛山，尾甚高大，西十四度三分，極四十七度，塔米爾河南源發其北，鄂勒昆河發其東南，……山西南水皆南會爲推河。」

頗疑鄂託渾騰格里峯即在是間，約當賽音諾顏部右翼中右及中右翼末兩旗之地也。龔之鑰《後出塞錄》云：

「推河昔爲元氏苑囿，其地甚暖，土惟宜於耕種，今建城設戍，且以刺配之徒，入伍開墾，每歲收穫頗豐。」

亦與前文所謂遊獵之所，情狀相近。

簡言之，於都斤山者殆今杭愛山一高峯也，舊說以當全山脈或其一支，均嫌未的。周書謂西五百里有高山迥出，或指阿爾泰大幹，正言之應曰西北矣。

諸家持論不一，茲列舉如次：

1. 脫母森氏言 Kazan-Tatar，語稱鋒利曰 Ütkin，又 Sagai 語曰 Ötkin，得爲此名之語原。(30)
2. 喇篤羅甫謂迴紇語呼選擇曰 Otü，此名乃其轉訛，及後見此名又有 Ütükän 之寫法，則認爲本名而未加解釋。(31)

3. 白鳥氏謂迺紇族未占領溫昆河流域以前，住其地者有匈奴、蠕蠕，均屬蒙古種族，故此名不妨以蒙古語解之；考蒙古語族中 Dakhur (32) 語謂小曰 učiken, itsiken, uškin, itsiken, 是則 üütükän 可視為上述諸語之同語。

(33)

4. 班額 (Bang) 氏會議將 öütükän 分析為 ötü 及 kän，猶云經行之山也。

(34)

5. 伯希和氏疑為蒙古之女神，引見前文。

右列五家之說，莫衷一是，余則以為松漠草詩注之「少天」，不無研究價值，就中白鳥所釋，比較與之接近也。考魏書一〇三蠕蠕傳有名於陟斤者，白鳥氏曰，匈奴有於除建(鞬)單于，即其同語也，東蒙古語謂少及小為 ütseken。(35) 按古讀陟如 t'iak，督如 tuok，略與今讀異，依此例推，於陟斤與 Üütükän (於都斤) 亦可互轉；故謂於都斤訓「少」在突厥語中是否如此，余雖未敢妄斷，但轉為蒙古語後，確生出此一種解法，則可由於陟斤訓「少」而見之，且更可間接證明鄂託渾與於陟斤為同語，即於都斤之音變也。由此而思，合言之則曰鄂託渾騰格里，少天也，猶言山峯之高難以見天日也；分言之則曰於都斤，下略也，曰天山，上略也。夫地理上一名數解，中外常有其例，是固不妨與元代之天靈，並行不悖矣。

討論既竟，爰將於都斤山各異名，按成書年代，列為一表，以殿此篇。

於都斤山 周書。

都斤山 隋書。

烏德鞬山 李勣碑。

烏德建山 契苾明碑。

德建山 開元六年制。(元龜九八六)

鬱督軍山 柳芳唐曆。

涓兜牟山(汨兜軍山) 元和姓纂。

突厥窟 同上。

都尉捷山(尉都捷山) 舊唐書。

天山 同上八三仁貴傳、一九五迺紇傳及一九九下鐵勒傳。

- 烏都鞬山 唐會要。與其出，前以廸善而昌財山未列。蘇雅爾曰烏白。
- 烏羅健山 同上。中突厥古處也。突厥古處也。突厥古處也。
- 乞督軍山 通鑑綱目。
- 月忒哥忽闐 聖武親征錄。
- 野烏鵲幹山（野烏鵲幹山） 遼史。
- 天哥里于答哈山 道園學古錄。
- 天靈山 同上。
- 銚鏽鏹胡蘭山 元史。
- 鄂託渾騰格里峯 松漠草詩注。據三〇一青盤案。唐毛利立與對。是莫莫。是毛利正與古。誠與古對。
- (1) Hirth. Nachworte p. 34.
- (2) 此名拙音別有改證，見跋突厥文闕特勤碑。（輔仁學誌六卷一二合期）
- (3) 伯希和氏證以北史通典，謂四五百里應爲西五百里之訛，是也。（輔仁學誌三卷一期中亞史地譯叢一頁）
- (4) Nachworte, p. 34.
- (5) 東胡民族考下六——七頁。
- (6) 中亞史地譯叢一〇——一二頁。
- (7) 同上一〇頁。
- (8) 同上一〇——一三頁。
- (9) 東胡民族考下七頁。
- (10) 漢譯達虎爾。
- (11) 東胡民族考上一三七頁。
- (12) 肖陵碑錄下。（晨風閣本）
- (13) 金石萃編七〇雞田下泐一字，依新書一一〇契苾朋傳乃道字。
- (14) 西突厥史料七七頁。
- (15) 將於拙著合羅川攷詳之。
- (16) 東胡民族考下九頁。
- (17) 與上註 15 同。
- (18) 通鑑考異一九引後唐懿祖紀年錄云：「由是舉族七千帳，徙於甘州，……貞元十七年，自烏德鞬山率其部東奔，居三月，吐蕃追兵大至，自洮河轉戰至石門關，委曲三千里，……至於靈州。」就文而觀之，此烏德鞬山似應別爲一山，不在漠北，但其文種種可疑，未可確信也。
- (19) 一七四頁。

- (20) 中亞史地譯叢一二頁。
- (21) 田中譯本三五〇頁。
- (22) 成吉思汗實錄五八四頁。
- (23) 叢刊本于誤干，據元史一二二巴而朮阿而忒的斤傳改正。
- (24) 中亞史地譯叢一三頁。按職觀人謂 Natigai 為地神，見馬可波羅行紀三卷二十章，(Cordier 本二卷四七九頁)又行紀之 Natigay，與他旅行家之 Ytoga，即蒙古之 Etugen，(地也) D. Banzaroff 氏亦嘗言之。(Cordier)本一卷二五八頁)
- (25) Inscriptions de l' Orkhon, p. 152.
- (26) Nachworte, p. 33.
- (27) 東胡民族考下六頁謂和林山方位，成吉思汗實錄已歷引東西學者之記錄以考定之，不必贅述云云：按那珂氏稱，「拉施特云，合喇闊嚕木，山名也，城因山以名，元史巴而朮阿而忒的斤傳有和林山，乃哈刺和林山之上略，即合喇闊嚕木山也，合刺闊嚕木，此云黑徑，蓋林茂路暗之義。」當今何山，未有確指。
- (28) 中亞史地譯叢一三頁。
- (29) 觀堂集林二〇。
- (30) 中亞史地譯叢一一三頁。
- (31) 同上一二頁。
- (32) 見前注一〇。
- (33) 東胡民族考下八頁。
- (34) 中亞史地譯叢一三頁。
- (35) 東胡民族考下八三頁。